



BIBLIOTHECA
UNIV. JAGELL.
CRACOVENSIS

kal. komp.

59094/1-6



Mag. St. Dr. P

Teol. 3423.




59094

III

G. IX. 80.

X. i. 2.



11. 11. 11.

11. 11. 11.

M. IV. 24.

COMPENDIA
VITAE, VIRTUTUM, ET MIRACULORUM
SEX BEATORUM
Ann. 1767.
CANONIZATORUM.

COMPENDIA

VITAE, VIRTUTUM, ET MIRACULORUM

SEX BEATORUM

Anno 1707.

59094

CANONIZATORUM.



33496
COMPENDIUM
VITÆ, VIRTUTUM, ET MIRACULORUM
NEC NON
ACTORUM IN CAUSSA
CANONIZATIONIS
B. JOHANNIS CANTII

Presbyteri secularis, & in Universitate
Academiæ Cracovien. Sac. Theologiæ
Doctōris, & Professoris.

Ex Secretaria Congregationis Sacrorum Rituum.



*Bibliotheca Collegii Ma-
joris Universitatis Cracovien.*

ROMÆ M. DCC. LXVII.

*M. Antonii Lotzdziowski
M & Se The Dis & Pri.
Canf. Cath. Crac.*

Ex Typographia Reverendæ Camerae Apostolicæ.

COMPENDIUM

VITA. VIRTUTES. MIRACULORUM

ACTORUM IN CAUSA

CANONISATIONIS

B. JOHANNIS CANTII

Presbyteri leonensis, & in Universitate
Academice Cracovien. Sac. Theologiae
Doctores, & Professores.

Domini m. d. cc. lxxvii. ⁴⁹⁰⁹⁵
Die 1. Junii. ^{III}



ROMAE. M. DCC. LXXVII.

Ex Typographia Reverendae Camerae Apostolicae.
Possunt periret annos 1777.



JOHANNES CANTIUS in Oppi-
do KENTY Cracoviensis Dioece-
sis ex Stanislao Viro Consulari,
& Anna legitimis Conjugibus,
atque egregiis christianisque mo-
ribus conspicuis natus est anno
Domini millesimo trecentesimo nonagesimo septi-
mo Junii mensis die 24., qua Christi Præcurso-
ris nativitatem commemorat Ecclesia; eique pro-
pterea in Baptismate JOHANNIS nomen fuit im-
positum.

Ab ipsa infantia piissimorum Parentum stu-
dio, & sollicitudine christianæ pietatis rudimen-
tis sedulo excultus, & divinæ gratiæ præventus
auxiliis indolem ad omnia, quæ catholicæ sunt
officia disciplinæ pronam maxime præmonstra-
vit: Erga Parentes namque obsequentissimus pia
& sancta eorum consilia, monitaque facile &
libenter excipiebat, ac prompte fideliterque exe-
quebatur; nil leve, aut puerile in verbis refere-
bat vel moribus, sed gravitatem, modestiam, ac
senilem maturitatem.

Postquam pueritiæ annos sub optimorum

(IV)

Parentum disciplina transegerat, & primis liberalium artium rudimentis imbutus jam fuerat, illorum consilio, & voluntate ad Academiam Cracoviensem non multo pridem ab Uladislao Jagellone Poloniae Rege fundatam, ad quam ex universa Polonia, exterisque Regionibus plurimi Adollescentes majorum studiorum causa confluebant profectus est. Hujus Academiae Scholas frequentans Adollescens Johannes Philosophicis disciplinis sedulam adeo strenuamque navavit operam, ut ingenii praestantia, & laboris assiduitate maximos ac celeres in ea scientia progressus fecerit; ac propterea gradu Baccalaurei primum, mox Magistri in philosophica facultate decorari promeruit.

Quum vero ad doctrinae praestantiam miram adjungeret vitae innocentiam, modestiam, & comitatem morum, constantemque ab omni genere mali fugam, factum est, ut non humanae laudis, atque honoris cupiditate, sed eorum, qui ejus curam gerebant incitamento illos sibi gradus comparaverit. Et quamvis profectum in studiis, & ingenii sui perspicacitatem numquam ostentare, sed omnino celare consuevisset, ne a christianae humilitatis, quam ardentissime diligebat institutis deficeret; impedire tamen non potuit, quin Academiae universae, ejusque Rectoribus comperta fuerit ejus ingenii vis, doctrinaeque copia, quam propterea mirantes, ac suspicientes cum vitae integritate conjunctam eum

De-

Decani munere in Philosophica facultate semel iterumque decoratum voluerunt.

Nec multo post lauream etiam doctoralem in sacra Theologia, & Sacerdotalem dignitatem consecutus est, majoribus inde stimulis incitatus ad exercitationem virtutum, vitæque sanctitatem. Quare divinæ gloriæ amplificandæ, adaugendæque impensiori studio, ac sollicitudine deinceps sese addixit.

Munere itaque Doctoris suscepto, quo humanis, divinisque litteris studiosam Juventutem rite sancteque institueret, nullam omnino diligentiam, laborem nullum prætermisit, ac fugit; idque curavit in primis, ut quæ Auditoribus suis traderet Evangelicæ doctrinæ prorsus consentirent; seque iisdem præberet exemplum bonorum operum, ut in ejus vitam quasi speculum intuentes non minus scientia, quam Religione, ac pietate proficerent.

Nemo sane fuit inter Academiæ Professores, qui doctrinam sacram in scholis eo felicius interpretaretur, aut copiosius & efficacius in privatis conloquiis, publicisque concionibus traderet, atque explicaret; quapropter eximii Doctoris, & insignis Concionatoris nomen, ac famam sibi comparavit. Porro illa ætate universæ Scholæ per Britanniam, Hollandiam, atque Germaniam schismatici, hæreticique dogmatis labe infectæ doctrina perversa Adolescentium corrumpebant ingenium; soli Cracoviensis Academiæ Profes-
res

res orthodoxam a Romano purissimo fonte haustam, & Summorum Pontificum infallibili oraculo probatam, confirmatamque strenue sectabantur, edocebantque sapientiam; & præ ceteris Magister CANTIUS e cathedra Juventutem, e suggestu Populum indefinenter docebat, instruebatque in scientia Sanctorum, pietate nimirum, & recta morum disciplina; voceque, & exemplo vitiorum, & peccatorum genus omne maxime vituperabat, & Apostolici pectoris libertate animadvertibat in deviantes ab evangelica lege; traditam vero ab ipso doctrinam præclarissimo signo Deus Optimus Maximus dignatus est confirmare.

Quum enim olim magnum excitatum fuisset incendium in platea S. Annæ, pluraque ædificia consumpsisset, quin voracissimi ignis impetus ulla humana arte coerceri posset, timendumque foret, ne universa Civitas in favillam, & cinerem converteretur, misertus JOHANNES tantæ Populi afflictionis supremi clementiam Numinis ferventi prece exorare coepit, ut misereretur, & parceret afflictissimis Civibus; dumque huic orationi efficacius insisteret, præsentem repente habuit Virum ætate maturum, & aspectu venerabilem (Cracoviensem Episcopum S. Stanislaum fuisse ferunt) qui dulcissimis verbis ipsum solatus est, monuitque illius incendii vim jam ultra non processuram, præcepitque, ut Populum commonefaceret longe majoris incendii calamitatem

non

(VII)

non multo post experturum, nisi poenitentiam egisset ad divinam placandam Justitiam communibus peccatis nimium exasperatam. Surgens itaque Vir sanctus a sua oratione poenitentiam toti Populo prædicavit, eumque adhortatus est ad ponendum peccatis modum, ac finem, moresque in meliorem sanctioremque formam instituendos, prædicens, quod nisi dignos poenitentiae fructus fecisset, sed novis peccatis divinam provocasset Justitiam, graviori flagello foret juste plectendus. Cohortationis hujus, quæ propheticum simul erat vaticinium quamcito obliti sunt Cracovienses Cives; quumque eorum peccata plurimum in dies multiplicarentur, gravioris incendii, quod nullo modo extinguere potuit, & magnam Urbis partem in cinerem redegit calamitatem subierunt.

Quotidie rem divinam peragebat tanta religiosi cordis significatione, & pietatis æstu, ut qui aderant in admirationem rapti ad devotionem vehementer excitarentur. Hoc autem quum indigne ferret communis hostis Diabolus, sacrificanti ipsi semel hyberno tempore in Ecclesia S. Annæ, quæ prope adiacet Ædibus Academiae, & ejus sacrificio adstantibus Hirundinis assumpta specie per templum volitantis, garrientisque turbationem, ac molestiam inferre molitus est; sed agnito Dæmonis artificio, missaque absolutâ templi fores occlusit, & circumvolitantem, ac fugam quærentem avem apprehendit,

at-

(VIII)

atque elata manu terræ allidere dum vellet ,
deprecantibus , qui aderant , ut infanti , & di-
vinorum ignaræ parcat Aviculæ , respondit Vir
sanctus : *Statim videbitis quod sit genus Avis istius* ;
moxque eam in terram projecit , quæ continuo
in colubrum conversa horribili sibilo terrorem
simul , & admirationem spectatoribus ingessit ,
& confestim evanuit .

Egregiæ doctrinæ comites erant christianæ
Virtutes , in quibus vera consistit sapientia , quæ
facilius in cordibus audientium inseritur , quan-
do Instructoris exemplo firmatur . Hac ergo sibi
regula constituta , studium omne , ac diligen-
tiam eò contulit , ut vitam suam dirigeret , com-
poneretque ad severiora evangelicæ doctrinæ in-
stituta , & perfectam exemplorum Christi imi-
tationem opera , moresque sui exprimerent , ac
referrent . Non ignorans autem Humilitatem
eam esse , qua mediante homo magis Christo af-
fimilatur , fategit omnino , ut hæc virtus altis-
simas in ejus corde figeret radices . In primis
namque serio mente recogitans vilissimam ho-
minis conditionem , & incomprehensibilem Dei
magnitudinem , huic honorem , laudem , & glo-
riam jure tantum deberi ; illi vero contemptum ,
vituperium , & dedecus convenire probe agno-
vit : proinde abjectissimam sui ipsius opinionem
fovit semper , ratusque omni contemptu , & vi-
lipendio dignum se esse , nemini umquam et si
vilissimo & plebejo homini seipsum præferre
ausus

(IX)

ausus est; sed cunctis se viliorē, despicabiliorēque existimabat: & quamvis scientia, & intellectus perspicacia supra ceteros præstaret Academicos, in privatis tamen, publicisque disputationibus non ad pompam & fastum, neque ad inanem aucupandam gloriam; sed sinceræ dumtaxat veritatis studio subtilitatem ingenii sui palam efferebat. Nec ipsis Academicis honoribus umquam superbiit; quinimo post adeptam Doctoris in sacra Theologia dignitatem multo magis quam antea humilitati studuit, fategitque despicabilis coram aliis & abjectus apparere.

Per sæpe in communi Collegii residentia expertus est aliquot sui contemptores, & malignos detractores, sed, quæ erat profundissima ejus humilitas privatis sui contemptus occasionibus non contenta, vehementer angebatur quod non ab omnibus despiceretur. Nam propter vitæ, morumque sanctitatem maximo apud plerosque Academicos in honore habebatur. Itaque ut eorum de se opinionem, ac delata sibi reverentiæ, atque æstimationis officia declinaret atque defugeret, peregrinari ignotus ad exterarum regiones constituit: Vili propterea ac paupere veste indutus longa atque incommoda suscepit itinera, quæ pedibus semper conficiebat, semel ad sancta Palestinæ loca, quater vero ad Apostolorum limina Romam profectus egeni abjectique hominis specie, quo

contemptui ac ludibrio ab omnibus haberetur .

Omnis malitiæ , & doli expers sinceritatem , ac simplicitatem tantam in verbis , & factis demonstravit semper , ut parvulo recens nato similis esse videretur . Quod corde tenebat , linguâ sincere loquebatur , & factis confirmabat ; ab omni fraude , dolo , & mendacio quammaxime alienus , quod quum omnibus compertum foret , tum quibusdam in primis Latronibus , qui eidem Romam proficiscenti omnem surripuerunt , quam gerebat pro viatico pecuniam ; quumque interrogatus ab illis si aliam forte absconditam haberet , negasset autem oblitus consutorum in veste aureorum ; horum postea recordatus revocavit Latrones , illisque reversis : *Nolo , inquit , mentiri ; accipite & hanc , cujus eram oblitus , pecuniam .* Stupentes autem Latrones tantam hominis simplicitatem , & sanctitatem , ac compuncti jam ante sublatam restituerunt humiliter rogantes , ut sibi ignosceret , quod facile a mitissimo & sancto Viro impetrarunt .

In Patriam reversus Virtutum omnium exercitatione animum excolebat , nihil in humanis quærens , vel appetens præter Deum , cui soli toto corde inhiabat , & mente . At vacante Paroecia Loci Olkusz quinque milliariis Cracovia distantis unanimi voto majorum Collegii Professorum , ad quos collatio pertinebat con-

(XI)

concredita est illius administratio Viro sancto, qui munus libenter suscepit, atque in illius exercitio boni Pastoris partes omnes implevit; exemplo enim irreprehensibilis vitæ, & frequenti divini verbi prædicatione oves suæ curæ commissas ad accuratam divinæ legis observantiam, ac fugam ab omni genere mali allicere ac pertrahere fategit; sed non multo post tempore, Paroeciam illam resignavit, ratus animarum curam gravissimum onus esse, & periculi plenam. Metuebat scilicet, ne in eo munere diutius obeundo complurium sese omissionis culparum reum coram Deo statueret. Itaque ad Collegium reversus Theologiam docere perrexit.

Castitatem mentis, & corporis immaculatam servavit, creberrimis jejuniis carnem maceravit, & flagris, asperique cilicii usu perpetuo edomuit ac subegit. In patientia benignus, in Fide fortis, in caritate fervidus, in contemplatione sublimis, in expectatione patientis, in abstinence singularis, nihil in ore habens nisi Dominum Jesum, & nomen sanctissimæ Matris ejus Mariæ. Cibus ejus parcissimus vix ad vitæ sustentationem, numquam vero ad voluptatem; vestis obsoleta non ad frigus propulsandum, sed ad nuditatem tegendam: Somnus quoque brevissimus; vix enim eo fatigatum jejuniis, & spiritualibus ac litterariis exercitationibus languidum corpus reficiebat: Lectulus nuda semper humus; ursina vero pelle senio

confectus ob naturalem calorem jam deficientem usus est ad se calefaciendum. Postquam faceræ Theologiæ Doctor renunciatus est carnem amplius non comedit.

Quum vero semel magno carnis comedendæ appetitu Dæmonis arte excitato teneretur, suillam carnem, quam assari iusserat vix ab igne amotam accepit, eaque faciem, dorsumque graviter commaculans, adurensque se ipsum, severe exprobravit inquiring: *Carnem caræ expetivisti? vescere igitur illa ad satietatem; & nec quidem degustatam in mensa relinquens ad orandum illico secessit, efficacissimeque Deum deprecatus est, ut ab ejusmodi tentationibus, atque a pruritu libidinis deinceps liberaretur, & exaudiri promeruit, suppeticas ferente Dei-para Virgine, quæ cum Puero Jesu visibilem illi se exhibens sertum candidum servatæ Virginitatis præmium, futuræque thesseram gloriæ porrexit.*

Peccatum tanto prosequabatur horrore, ut leves culpas ita ploraret, ac si graves essent atque lethales; nil vero umquam reprehensibile in ejus verbis, & operibus animadversum est. In Capitulis, Congregationibus, aut colloquiis Doctorum, & Magistrorum quum aliquid veri dicendum sibi putasset, quo aliquorum animum offendisse, atque exasperasse deinde timeret, illos seorsim conveniebat, antequam ad aram rem divinam peracturus adcederet;

hif-

hif-
offic
aliqu
cum
foed
inju
te
non
rat
fedi
bris

Qua
petu
docu
imit

ceba
rent
res
tos
anni
distr
rum
part
dige
ties
tum

(XIII)

hisque humillimis compellabat verbis : *Vado ad officium divinum , rogo te , parce mihi , si acerbo aliquo verbo te læsi ;* neque recedebat prius , quam cum illorum singulis perfectæ reconciliationis foedus inivisset . Ipse vero ab aliis aspero & injurioso verbo laceffitus humiliter ac mansuete filuit semper , tacitus mente revolvens Canonem , quem fidelissime observare proposuerat , & ad sui aliorumque instructionem mensæ sedilibus , parietibusque cubiculi , portis , & libris inscriptum habuit quoad vixit :

Conturbare cave , non est placare suave .

Diffamare cave ; nam revocare grave .

Quare irrogatas sibi quascumque injurias perpetuæ oblivioni tradidit semper , idemque alios docuit , ut Divini Magistri exempla pressius imitarentur .

Opera utriusque misericordiæ jugiter exercebat , consilia petentibus dando , afflictos , moerentesque solando , hospitio excipiendo pauperes advenas , & peregrinos , carceribus mancipatos visitando , & vestes , ac calceamenta quot annis suo ære coempta mendicis utriusque sexus distribuendo , cum quibus etiam stipendium suorum laborum annuatim dividebat , minore sibi parte reservata , majore vero in beneficium indigentium liberaliter erogata . Quumque aliquoties e Collegio egressus in pauperem excalceatum offendisset , calceos sibi detractos generose

se illi donavit, & nudos suos pedes demisso pal-
lio obtegens, ne discalceatus per vias incedere
ab ullo videretur, domum regressus est.

In festo nativitatis Domini nostri Jesu Chri-
sti pergens ad Ecclesiam Matutinarum laudes
recitaturus pauperem supra nivem jacentem,
frigoris rigore toto corpore contremiscentem,
ærumæque suæ commiserationem, ac subsidium
postulantem vidit, excepitque, pietate commo-
tus vestem suam illi dedit, quam postea ex Ec-
clesia redux a Deipara sibi restitutam in proprio
cubiculo insperato reperiit. Die altera, dum
adhuc esum carnis sibi non interdixerat, di-
scumbens in Coenaculo cum suis Collegis, au-
dita voce pauperis prope Collegium pertran-
seuntis, & stipem petentis, frustum carnis sibi
subtractum jussit ad illum adferri, quod mise-
ricordiæ opus maxime admirati sunt Commen-
sales singuli; sed magis deinde obstupuerunt,
quod repente illud supra mensam repositum con-
spexerunt, itaut a SS^ma Dei Genitrice Viro
sancto restitutum nonnulli crediderint, ut eo ve-
sceretur.

Ab hoc autem singulari prodigio excitati
Professores majoris Collegii constituerunt inter
se unum Pauperem quotidie communalem ha-
bere, atque pari victu, quo quisque ipsorum
uteretur enutrire; quæ piissima consuetudo vi-
get adhuc nostris temporibus. Quod si aliquan-
do contingat venire Pauperem ante januam tri-
clinii

clinii Professoribus jam prandentibus, is, qui discumbentibus ministrat, eum, qui primus ad mensam sedet de Pauperis commonet adventu dicens : *Pauper venit* ; ille vero respondet : *Christus venit*, statimque præbet illi paratam victus eleemosynam. Sancti quoque Viri exemplo a Professoribus nonnullis legata perpetua instituta sunt ad vestiendos quotannis pauperes nuditate laborantes, & de gremio Professorum unus eligitur, cui ex officio onus incumbit exigendi annuos fructus istiusmodi legatorum, & pauperes vestiendi.

Tanta autem infederat in corde sancti Viri erga pauperes & afflictos commiseratio, ut nullum esset calamitatis, & miseriæ genus, cui alacriter prompteque occurrere negligeret, & hanc Famuli sui caritatem Deus stupendis signis sibi gratam acceptamque fore declaravit. Die namque 16. Junii 1464. excipiens vocem flentis cujusdam Ancillæ, quæ amphoram lacte plenam de manibus forte collapsam fregerat, & duritiem severitatemque Dominæ suæ altis gemitibus accusabat, eam adivit, collectisque fragmentis, brevi ad Deum fusa oratione, integram illi restituit, atque aqua e fluvio Rudava ad moenia Cracoviensis Urbis excurrente repleti jussit, quam in lac, novis fufis ad Deum precibus, subinde convertit.

Christum Dominum pro redemptione humani generis passum tenerrimo pietatis sensu
pro-

(XVI)

prosequutus semper est; & ideo in jugi contemplatione mysteriorum ejus vitæ, passionis & mortis assiduo ferme versabatur, & pro ipsius amore laboriosa quæque, & corpori dura, ac permolesta pati, & vehementer cupiebat, & pro viribus patiendi occasiones captabat. Eo incitatus pio sanctoque desiderio in Palestinam usque ad Christi Domini sepulchrum visitandum peregrinari deliberavit nullo terræ, marisque periculo territus; nulla longinqui itineris, viarumque difficultate. Adjunctis ergo sibi sociis aliquibus, petitaque ab Episcopo Cracoviensi discedendi venia, ac benedictione abiit in regionem illam maxime dissitam, pedes semper itinerans, & sarcinula sua humeros onerans more vilium pauperrimorumque peregrinorum, nec equitare umquam a sociis licet vehementer rogatus voluit ubique terrestre iter perageretur. Ubi Terram sanctam pervenit eximiae suæ pietatis erga Christum Dominum argumenta dedit loculentissima, tellurem illam, quam divinus Redemptor calcaverat, & pretiosissimo suo sanguine conspererat tenerrime exosculans, & piis lacrymis madefaciens non sine maximo cordis sui solatio, ac spirituali voluptate; sepulchrum vero gloriosissimum sui Redemptoris conspicuens actus memoria immensi beneficii redemptionis nostræ in lacrymas solutus grates egit perquam maximas unigenito Dei Filio, qui humanæ salutis causa mortalem carnem assumere, & acer-

(XVII)

& acerbissimam mortem supra Crucis patibulum sustinere dignatus est . Quamdiu Hierosolymæ versatus est , ne momento quidem a Dominica passione cogitationes abduxit , jugi lacrymarum vi , & corde vehementi compunctione transfixo singula recolens atque revolvens Servatoris nostri tormenta : Turcarum vero impietatem , & infensum in christianam Fidem animum magnopere detestatus , eorum cœcitatem , ac falsæ Religionis superstitionem palam coarguere , atque exprobrare non trepidavit , ut ad Evangelicæ veritatis lucem eos adduceret . Nullo proinde , absteritus vitæ periculo sese martyrio , cujus desiderio vehementer æstuabat non semel objecit , quod tamen consequi minime potuit , propterea quod a Barbaris illis , atque infidelibus non patienter modo , sed libenter audiretur .

Divinæ dilectionis ardore cor ejus adeo vehementer æstuabat , ut nonnisi de Deo cogitare , de Deo loqui , cum eo dumtaxat agere posse videretur ; quare vix absoluta muneris sui in scholis exercitatione Templum illico adibat , atque in preces , & lacrymas effusus ante positum in Altari divinæ Eucharistiæ Sacramentum ad horas perstabat . Noctes vero ipsas pene integras orando transigebat ante Imaginem Christi Domini prope Collegii majoris fores positam , quæ eundem e transfixo latere copioso manentem sanguine repræsentabat ; ibique in-

(XVIII)

Dominicæ passionis mysteria profunda meditatione intentus non semel in diuturnam extasim rapiebatur . Ab eadem porro Imagine supernas voces persæpe audiisse fertur , quibus mirifice recreatus in arrepto sanctitatis cursu confirmabatur . Imago autem illa quum mortuo sancto Viro ad Ecclesiam Sanctæ Annæ majoris venerationis ergo translata fuisset , sponte ad locum , unde amota fuerat reversa perhibetur .

Virorum sanctorum , qui tunc Cracoviæ vivebant familiari consuetudine uti consuevit , quorum conloquiis , & exemplo ad Deum ardentius diligendum , atque evangelicam alacrius decurrendam perfectionis viam vehementius excitabatur . Hi fuerunt BB. Sventoslaus , Simon de Lipnica , Stanislaus Casimiritanus , Isaias ex Eremitis S. Augustini , & Michael Ordinis Sanctæ Mariæ de Metro . Horum sanctissimorum Virorum æmulari innocentiam vitæ , morumque perfectionem impense studebat , & quas in singulis mirabatur virtutes in se referre nitebatur .

Septimum supra sexagesimum ætatis annum quum attigisset , languescens jam corporales vires persentiens dissolutionis suæ tempus imminere cognovit ; quare totum eò contulit studium , ut ad mortem se quamdiligentissime compararet . In primis ergo quidquid penes se retinebat in necessarium usum , commodum-

(XIX)

dumque pauperibus distribuit; deinde conscientia sacra exomologesi rite expiata, sanctissimoque Christi corpore refectus lectulo decubuit Christi Domini adventum impavide & hilari-ter præstolaturus. Morbo ingravescente, coelestis gloriae incensus desiderio ad Dominum persæpe clamabat cum Psalmista : *Hei mihi Domine quia incolatus meus prolongatus est !* aliisque piissimis, quibus uti solebat verbis cum Deo loqui continenter audiebatur. Sacro tandem munitus viatico corporis Domini Collegas suos ferventissimo allocutus sermone eos impense hortatus est ad mutuam caritatem, pietatem, omnemque religionem; moxque spiritum suum Christo Servatori devotissime commendans die 24. Decembris in Pervigilio nativitatis Dominicæ anno æræ christianæ 1473. feliciter ab ergastulo carnis solutus ad sempiterna gaudia evolavit.

Corpus ejus ingenti Cracoviensium Civium mœrore, & veneratione in Ecclesia Collegiata S. Annæ sepultum multis statim clarescere cœpit miraculis, quæ Fideles magna frequentia ad ipsum venerandum traxerunt; adaucto vero populorum concursu idem corpus integrum illæsumque repertum in decentiorem locum translatum est, & in magnificum ex selecto lapide sepulchrum invectum. Ab illo sepulchro post centum triginta ab obitu Viri sancti annos recluso mirabilis & suavissimus odor manavit a

multis perceptus ; cujus prodigii fama per Civitatem evulgata adauxit magnopere veneratorum frequentiam , hujusque rei veritas testimonio fide dignorum Testium confirmata est . Cracoviensis vero Academiae Professores vestem sancti Viri purpuream , quam Reverendam vocant , eaque Collegæ majores uti solent in disputationibus , pro reliquia religiose asservarunt , & hanc Decanus quilibet Philosophiæ recens electus induit , quum sui officii juramentum sollemniter præstat , renovatque bis singulis annis , ut per hanc ceremoniam excitetur in ipso memoria sancti Doctoris , & ad imitanda illius exempla in erudienda Juventute , in muneribus , atque laboribus Academicis exstimuletur ;

Percrebescente in dies ejus sanctitatis , & Miraculorum fama constructus est a Cracoviensi Episcopo Processus de vita , moribus , & miraculis illius , præviaque istius discussione san. mem. Urbanus PP. VIII. per specialem commissionem propria manu signatam Causam discutiendam commisit Congregationi Sacrorum Rituum , mandavitque , quod omissa generali ad Inquisitionem specialem deveniretur ; quæ tamen institui quum non potuisset , Causa filuit usque ad annum 1666. , quo tandem reassumpta est , & a fel. record. PP. Alexandro VII. prævio consilio , & voto dictæ Sacræ Congregationis nova Commissio in statu , & terminis , in quibus Causa ipsa reperiabatur signata .

(XXI)

ta. Quia vero supervenerant Decreta generalia
san. mem. Urbani VIII. expediri oportuit eo-
dem anno Literas remissoriales ad Construendum
Processum particularem super Cultu immemo-
rabili BEATO VIRO exhibito, Casum exceptum
faciente a dictis Decretis generalibus, cujus de-
claratio, & respectiva adprobatio prodiit postea
die 20. Martii 1676.

Expeditis successive novis Literis remisso-
rialibus pro instruenda Inquisitione speciali, dum
hæc peragebatur, san. mem. Innocentius PP. XI.
ad preces Poloniæ Regis die 27. Septembris 1680.
benigne indulgit, ut in die anniversaria obitus
BEATI officium, & missa de communi Con-
fessoris non Pontificis sub ritu duplicis in Civi-
tate Cracoviæ, & universo Regno Poloniæ re-
citari, & celebrari posset, paulloque post sac.
Rituum Congregatio justis de Causis permota
concessit, ut annum ipsius BEATI Festum tran-
sferretur ad diem 19. Octobris.

Absoluto jam vero Processu Apostolico spe-
cialis Inquisitionis, istiusque validitate die 5.
Junii 1698. adprobata assumptum est examen
Operum in Processu dictæ specialis Inquisitio-
nis compulsatorum, quæ falso BEATO attri-
buita fuisse tandem compertum quum habuisset
fac. ipsa Rituum Congregatio, ideo die 17. Se-
ptembris 1730. declaravit: *Non constare quod*
Opera in Processu Apostolico compulsata, & BEATO
attributa essent ipsius BEATI, ideo procedi posse ad
ul-

(XXII)

ulteriora. Discussæ subinde quum fuerint Vir-
tutes in gradu heroico ipsius BEATI, die 4.
Julii 1733. adprobationem ab eadem sac. Ri-
tuum Congregatione consecutæ sunt.

Quum vero interim electus fuisset BEATUS
in Compatronum principalem totius Regni Po-
loniæ, & Magni Ducatus Lithuaniae, die 16.
Februarii 1737. confirmavit sac. Rituum Con-
gregatio istiusmodi electionem, elevavitque ri-
tum Officii in ejusdem BEATI honorem jam
concessi ad duplicem primæ classis cum Octa-
va; & postea die 31. Martii 1739. adprobavit
orationem, & lectiones proprias secundi No-
cturni pro eodem Officio.

Denique discussioni, & examini subactis
Miraculis, super quibus Apostolicus Processus
rite instructus pro valido fuerat adprobatus die
5. Septembris 1739. sub Pontificatu san. mem.
Benedicti XIV. Pontifex hic nullum super il-
lis Decretum edidit; nam proposita, & Suffra-
gantium voto probata ob novam legem ab ipso
Pontifice de ejusmodi Causis evulgatam in nu-
mero sufficienti ad obtinendam Canonizationem
BEATI non erant; quare necesse fuit alium
construere Apostolicum Processum super aliis re-
centioribus Miraculis. Ex his vero tria in ge-
nerali Congregatione coram se proposita, &
mature examinata SANCTISSIMUS DOMINUS NO-
STER PP. CLEMENS XIII., & alia duo ex illis
prius discussis coram Prædecessore suo Benedi-

cto

cto
tame
denu
rum
cet
natio
taria
Pue
integ
III. A
a gr
cum
IV.
profu
nia p
fœtia
dem
unur
sus M
terflu
verso

MUS
prec
petit
tifica
noni
cienc
plica
pum

(XXIII)

cto XIV. plausu a Suffragatoribus exceptis, quæ tamen coram se in particulari Congregatione denuo reproponi, rigidamque ad trutinam iterum revocari voluit, adprobavit, quatuor scilicet in tertio genere, & sunt I. *Instantaneæ sanationis Pueri SEBASTIANI LUZARK ab hereditaria; & confirmata phthisi.* II. *Subitæ sanationis Puellæ HEDUIGIS PASKOWNÆ ab acuta febre cum integra, & absoluta virium omnium restitutione.* III. *Instantaneæ sanationis MARIANNÆ GAWLICKÆ a gravi perniciofa febre in mortis agonem adductæ cum subita & perfectâ virium redintegratione;* ac IV. *Instantaneæ, & integræ sanationis magni & profundi ulceris a jugulo ad fauces usque fere omnia præter tendines, & majora vasa depasti, & foetidissima tabe scatentis cum alimentorum per ejusdem ostium lapsu in persona ANTONII OLEXOWIC: unum vero in secundo genere, hoc est Regressus Mercium in flumen SOLA prolapsarum, & præterfluentium aquarum impetu procul raptarum adverso flumine ad locum demersionis.*

Quibus omnibus stantibus idem SANCTISSIMUS DOMINUS NOSTER fufis prius ad Deum precibus, & divini Paraclyti lumine enixe expetito die 2. Februarii currentis anni Festo Purificationis Beatæ Mariæ Virginis Decretum Canonizationis B. JOHANNIS quodocumque faciendæ pronunciavit, pro cujus executione supplicationibus Regum, & christianorum Principum initio Causæ Sanctæ Sedi porrectis modò


(XXIV)


dò suas etiam humillimas adjungunt hodiernus
Rex, Magnatesque Poloni Regni, præsertim
Ecclesiastici, Cracoviensis Senatus, & Acade-
miæ ejusdem Civitatis Collegæ omnes, atque
Professores.


F I N I S.



I.
a-
c.
m
ni-
r-
L
i-
m
Æ
o-
L
ua
2.
t,
uo
is,
o-
is
o-
ni-







Biblioteka Jagiellońska



std/0023977

